

مسکن شمس

سر ۱۳۳۰

والله يهدي من يشاء الى صراط مستقيم ديني ، علمي ، ادبي ، سياسي هفتعلق مجموعه اسلاميه در
اتبعون اهدكم سبيل الرشاد

صاحب و مدير مسئول : ح . اشرف اريب

افغانستان

.....

امیر عبدالرحمن خان

ما بعد

یدی کون کچدیکی حالده شاه کل عودت ایتمده دی . اهالی :
— سز بش کون دیمشدیکز . یدی کون مرور ایتدی . حالا
رئیسمنز کله دی . مطلقا اونی اسیر ایتدیلر . دییه شکایت به باشلادیلر .
— قابل دکل ، یابمازلر . کیده یم ، باقیم ، دییه رک حاضر لایمايه
قالقده مسده :

— رئیسمنز کلنجه یه قدر بزم اسیرمنز سکز . جوانی ویردیلر .
معیتده بولونان ایکی یوز کیشی یی طوبلادم . اهالی طوبلانوب یالین
قیلچ هجومه نیت ایتدی . بزمکیلرک نصفه تفنک آتالری ونصفه ده
قیلچله مدافعه ده بولملری ایچین امر ویردم .

بونی کورن اهالی قاچوب صاقلانندی . بنده اونلرک دوه لرندن
ایکی یوزدانه سنی طوتوب اشیامی یوگله تدکن صوکر شاه کلک کیتدیکی
طرفه یوللاندیم .

عذر دیله یه رک ارقه مدن قوشدیلر و برابر سیستانه قدر کلدیلر .
اوراده دوه لرینی اعاده ایدوب قلعیه کیردم و عجمه مدن شاه کل
حقنده ایضاحات طلب ایتدم . عجمه :

— سیستانیلرک ایکی سرکرده سی وار . بری سردار شریف
خان که سیستان سواریلرینک قوماندانیدر . دیکبری امیر علم خان
سواریلرینک قوماندانی یوسف خانک اوغلیدر که شاه کلی اسیرایدن ده
بودر . کندیسنه چوق سویله دم . فقط سوزمی دیکله مه دی . دیدی .
درحال اونک نزدینه کیتدم . آتدن اینمه یه رک المی اوزاندم و :

— شاه کل نره ده در . دییه صوردم . چادرنده موقوف بولندیغنی
آکلانجه یانمه چاغیردم و بونی یچین اسیر ایتدیکز ؟ دیدم .

— امیر علم خانه کوتورمک ایستورم . جوانی ویردی .
— اونی سزه بن کوندرمشدم ، کندیمده اونک یزینه قالمشدم .
شاه کل ، سزک تبعه کز دکلدر که امیرکزک یانمه کوتوره جکسکز .
خطاب و عتابندن صوکر شاه کلی و خدمتجیسی سواریلرمدن اون
کیشی یه ترفیقا مملکته یوللادم .

اوج کون توقفدن صوکر سیستانیلر ایله (سیستان) عزمیت ایتدک .
ایکنجی کونی (هیرمند) نهرینک کنارینه کلدک . (یوسف خان هزاره)
اوغلی زاده نک سواریلرنددر . بعضلری شاه کلک طاقه سنی اورمق
ایسته مشلر ، قلعه لرده کی اهالی ده طوبلانوب بولرله جنکه حاضر لاشلردی .
هزاره سواریلرینک سرکرده سینه معیتک منعی حقنده خبر
کونده ردم . قلعه لر اهالیسنی ده تسکین ایچین طوبلانقلری قلعیه
طوغرو وورودم . قاپالی بولونان قاپیدن کیرمه یه نجه آدملمدن برینی
یوللادم . بونک اوزرینه رؤسادن بر قاجی قلعه دن چیقوب نزدمه
کلدیلر . کندیلرینی :

— افغان اولما کز اعتباریه سزی برادر مرتبه سنده طوتارم .
دییه رک تسکین وطمین ایتدم . بعده اورادن حرکت ایده رک ایکی
کون وایکی کیجه بونلرک قلعه لری آراسندن کچدک . هر قلعه ده بزه
زاد و ذخیره ویردکلری حالده سیستانیلر ویرمیورلردی . بزه
نواله منزی سیستانیلر ایله تقسیمه مجبور اولیوردق . (نجار) ه کلنجه
اورالی اولان سواریلر چکیلدیلر . قالانلرده (امیر علم خان)
استقبالمره کنیرمک اوزره کیتدیلر . (سردار شریف خان) (شریف
آباد) نامنده کی قلعه سنده ایکی کون بزی مسافر ایتدی . اوچنجی کونی
(امیر علم خان ناصر آباد سیستان) ک قلعه سینه کیتدک . مشار ایله
استقبالمره چیقوب احتراماده بولوندی . عجمه مله بنی قلعیه کوتوروب
اکرام واطعام ایتدکن صوکر خارج قلعه ده یکی چادرلر قوردوردی
ومعیتمره بر مهماندار تعیین ایتدی . اون ایکی کون امیرک مسافری
اولدق . سیستان کولنه متوجها حرکت ایده جکمز صیراده امیرمشار
ایله ، کرک چادرلرک ، کرک بزم ایچین حاضر لانان سائر اشیانک
برلکده کوتورولمه سنی رجا ایله دی . بعدالتشکر قبول ایتمه یه جک
اولدق سده اصرار و ابرامی اوزرینه ایکی اوج کوچوک چادر آلدق .
آریجه بیک تومان نقدده ویردی . پاره لری عجمه ویروب :

— شیمدی یه قدر سزک مصرفکزی تأدیه ایدیوردم . بونلری
آلک . آرتیق بندن ده برشی ایسته مه یک ، دیدم . کندی یانمه
عبدالرحیم خانک خزینه داری طرفندن کتیریلن پاره دن هنوز ایکی یوز
اشرفی واردی .

جوارنده کی اهالینک (هامون) دیدیکی سیستان کولندن کچوب
(بندان) ه واصل و (رنه) یولندن (دشت لوط) ه داخل اولارق
(پیرچند) ه کلدک .

(پیرچند) امیر علم خانک ایکی اوغلی بزی مسافر ایتدیلر ،
والده لری ده بیوک بر ضیافت چکدی .

۱۸۲۴ سنه سی محرمی ابتداسنده پیرچنده کلشدک . اون ایکیسنده
امام علی رضا رضی الله عنه حضرتلرینک مشهد مقدسه طوغرو یوله
چیقوب (سرایان) شهرینه واصل اولدق . اورانک صوبی ، هم آجی ، هم
طوزلواولدیغندن اهالیسی یاغور صوبیه طولوق اوزره حوضلر یامشلر ،
ایکی دانه ده قویو قازمشلردی . بوقویولرک صوبی ایله یمک پیشه ییلر سده
قابل شرب بر حالده دکل ایدیلر .

بورایه کلدیکمز کی عجمه صیتمه یه طوتولدی وخسته لنی برآی
قدر اوزادی . بو مدت ظرفنده اقامته ونقد موجود منزی صرفه
مجبور اولدیغمزدن پاره سز قالدق .

عجمه دور نقاهته کیرینجه کندیس ییچین بر تخت روان تدارکی
فکرنده بولوندم . اورالرده اغاچ یک نادر اولدیغنی ایچین املسک
ممکن اولامایا جغنی سویله دی . اورا مسجدینک مشتملاتندن دورت
دیره ک کسدم ، اعتراضه قالقیشانلرده : ما بعدی وار مترجی

طاهر المولوی